

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO  
ZENIČKO-DOBOJSKOG KANTONA  
Broj: T04 0 KT 0055746 24  
Zenica, 21.11.2024. godine

OPĆINSKI SUD U ZAVIDOVIĆIMA  
-Sudiji za prethodno saslušanje-  
ZAVIDOVIĆI

Na osnovu člana 45 stav 2 tačka i) u vezi sa članom 241 stav 1 Zakona o krivičnom postupku F BiH, p o d i ž e m o

## **O P T U Ž N I C U**

Protiv:

**G. S.**, neosuđivan,

što je:

Dana 31.10.2023. godine, dok se nalazio u putničkom vozilu marke „Opel Astra“ reg. oznaka: K... na području grada Zavidovići, suprotno odredbama člana 4 stav 1, 2, 3 i 5 i člana 19 i 20 Zakona o sprečavanju i suzbijanju zloupotrebe opojnih droga u BiH, kod sebe radi dalje prodaje neovlašteno posjedovao opojnu drogu „amfetamin“ poznatiju kao „speed“ u neto količini od 7,302 grama koja je bila upakovana u jedan prozirni pvc paketić, koja droga je pod rednim brojem 1 liste psihotropnih tvari iz tabele II „Tvari i biljke pod strogom kontrolom“ proglašena takvom, kao i opojnu drogu „cannabis“, poznatiju kao „marihuana“, u neto količinama od: 48,033 grama koja je bila upakovana u jedan prozirni pvc paketić i 2,135 grama koja je bila upakovana u jednu platnenu vrećicu, koja droga je pod rednim brojem 13 Liste opojnih droga iz Tabele I „Zabranjene tvari i biljke“ proglašena takvom, skupa sa jednom digitalnom vagom za precizno mjerenje, iako je bio svjestan da je to zakonom zabranjeno, ali je to htio, koja opojna droga i vaga mu je bila pronađena i oduzeta tog dana oko 16,00 sati od strane policijskih službenika PS Zavidovići u naselju G.,

čime je učinio krivično djelo Neovlaštena proizvodnja i stavljanje u promet opojnih droga iz člana 238 stav 1 KZ F BiH.